


082.1
G21
G

57

37



国立国会図書館 タイトル『藝海珠塵』 請求記号 082.1-G21G

ガラス使用



藝海珠塵

蘇沈良方^七

蘇軾沈括纂

小還丹 治背疽癰瘡一切膿腫

膩粉 水銀 硫黃同研一分 大巴荳肉四十箇

右將巴荳單覆排銚底以三物按上巴荳令平以
瓷蓋蓋之四面濕紙封慎勿令氣洩炭火四兩緩
緩燒時于水中蘸銚底少時又燒頻蘸為善其蓋

蘇沈良方七

56887

上底內滴水一點如大荳乾則復滴以三滴乾爲度候冷研陳米飲丸作二十三丸熟水吞下疏下惡物以白粥補之吳中往往用此活人曾無失者

柞葉湯 治發疽

柞木葉 乾 荷葉 乾 萱草根 乾 甘草節 生 地榆 各一兩

右細剉每服半兩水二椀煎去半分二服早晚各一服二服滓併煎作一服有膿血在內自大腸下未成者自消忌一切毒物有瘡者貼後藥

通明牛皮膠 水半升 熬令化 黃丹 人膠中黃三五

右放溫冷以雞羽傅瘡口瘡即斂未成瘡者塗腫

處卽內消丞相王荆公疽發背醫攻之皆不效漸覺昏憒不省人事上元縣朝奉郎梁彥章有藥自言其效如神荆公服之利下惡物一升許遂瘥乃以方獻丞相予從丞相得之此藥常人服之並不疏轉但逐膿血耳

療腫毒癰疽未潰令消已潰令速愈

草烏頭屑水調雞羽掃腫上有瘡先以膏藥貼定無令藥著瘡人有病瘡腫甚者塗之坐中便見皮皺稍稍而消初塗病人覺冷如冰瘡乃不痛

白膏 登州孫醫方善消腫及墜擊所傷

蘇沈良方七

柳白皮半兩洗陰乾 白蠟四錢 黃丹二錢 胡粉 商陸根各三兩

油四兩熱三兩入錢

右先熱油入柳皮候變色去滓入諸藥數攪良久下

治癰疽方

忍冬嫩苗一握 甘草半兩生用

右忍冬爛研同甘草入酒一觔半砂瓶中塞口煮兩食頃溫服予在江西有醫僧鑿清善治發背疽得其方用老翁鬚余頗神秘之後十年過金陵聞醫王琪亦善治瘍其方用水楊藤求得觀之乃老

翁鬚也又數年友人王子淵自言得神方嘗活數人方用大薜荔又遇歷陽杜醫者治瘍嘗以二萬錢活一人用千金藤過宣州寧國尉王子駿傳一方用金銀花海州土人劉純臣傳一方用金釵股此數君皆自神其術求其草視之蓋一物也余以本草攷之乃忍冬也古人但為補藥未嘗治疽其用甘草煮飲之法製方皆同若倉卒求不獲只用乾葉為散每服三方寸甘草方寸酒煮服之亦可然不及生者 忍冬葉尖莖圓生莖葉皆有毛田野籬落處處有之兩葉對生春夏新葉梢尖而色

嫩綠柔薄秋即堅厚色深而圓得霜則葉卷而色紫經冬不彫四月開花極芬芳可愛似茉莉瑞香初色白數日變黃每黃白相間故一名金銀花花開曳蕊數莖如絲故一名老翁鬚一名金釵股冬間葉圓厚似薜荔故一名大薜荔可移根庭檻間以備急

治癰疽瘍久不合方

僕嘗讀本草露蜂房蛇蛻皮亂髮各燒灰每味取一錢七酒調服治瘡久不合神驗僕屢試之燒灰畧存性

雲母膏

雲母光明者薄揭先煮 硝石研 甘草各四兩 槐枝 柏葉近道者不
堪柳枝 桑白皮各二兩 陳橘皮一兩 桔梗 防風 桂
心 蒼朮 菖蒲 黃芩 高良薑 柴胡 厚朴
人參 芍藥 胡椒子 龍腦 白芷 白芨
白薇 黃芪 芎藭 茯苓 夜合花 附子炮各半
兩已上 煎松脂 當歸 木香 麒麟竭 沒藥
咬咀次煎 麝香 乳香各半兩 黃丹十四兩 鹽花五錢 水銀二兩
右先煉油令香下雲母良久投附子已上藥候雀黃佳火令冷以綿濾去滓始下末皆須緩火常以

柳木篋攪勿停手瀘畢再入鎔中進火下鹽花至黃丹急攪須臾色變稍益火煎之膏色凝黑少取滴水凝結不粘手卽下火先炙一磁器令熱傾藥在內候如人體溫以絹袋子盛水銀手彈在膏上如針頭大以蠟紙封合勿令風乾可三二十年不損發昔先以敗蒲一觔水三升煮三五沸候如人體溫將洗瘡帛拭乾貼藥又以藥一兩分三服取溫酒下未成膿者卽差更不作瘡癩瘰癧骨疽毒穿至骨者用藥一兩分三服溫酒下甚者卽下惡物兼外貼腸癰以藥半兩分五服甘草湯下未成

膿者當時消已有膿者隨藥下膿膿出後每日酒下五丸桐子大膿止卽住服風眼貼兩太陽腎癰并傷折痛不可忍者酒下半兩老少更以意加減五日一服取盡外貼包裹當時止痛箭頭在肉者外貼每日食少爛茶豆箭頭自出虎豹所傷先以甘草湯洗後貼每日一換不過三貼蛇狗傷生油下十丸桐子大仍外貼難產三日不生者溫酒下一分便下血暈欲死以薑汁和小便半升溫酒下十丸桐子大死者復生胎死在腹以榆白湯下半兩便生小腸氣茴香湯下一分每日一服血氣當

歸酒下一分每日一服中毒溫酒洗汗襪汗每日
一服吐瀉出惡物爲度一切癰疽瘡癤蟲虺所傷
並外貼忌羊肉

國史補言有白岑者療發背甚驗爲淮南節度使
高適啓取其方然不甚效岑後至九江爲虎食驛
吏于囊中得其真方太原王昇之寫以傳布後爲
國孔南得岑方爲王傳號靈方今具于後案原方傳寫缺
呂君子西華洛陽人孤貧無家著作郎韋顒與其
先有舊以具子妻之應秀才五舉不第與同志張
元伯入王屋山時莫知者俄西華疽發背膿血被

身筋骨俱見告元伯曰吾將死矣幸扶至水傍俟
天命而已元伯無可奈何因從其言露臥數宿忽
有一胡僧振錫而至視其瘡曰膜尙完可治也乃
出合中藥塗于軟帛上貼四五日生肌八九日肉
乃平飲膳如故僧云吾將去他時慮發此疾無藥
療因示其方約令秘之西華頓首曰微吾師遺骸
邱故矣雖力未能報願少伸區區可遽言別乎僧
曰始以君病而來今愈吾去矣安用報爲乃去數
步之間不復見西華歸以事白韋韋因請其方西
華不與韋知其終不可得乃白于攷功裴輝卿員

外請以名第陷而取之裴如其言西華對曰愚脩文以求名不沽方以求進竟下第而返後河南尹聞之謂韋曰有一計取之韋曰何計曰陷于法禁免其罪而購之逾月果罹其罪獄成引決親喻之令出其所秘方可以免雪西華守死無求免之色尹無奈何乃釋之西華知失攻功之旨又見薄于外舅雖苦日甚而文趣轉疎如是經五稔見黜于春官乃罷去薄遊梁宋間值姨弟李潛尉封邱淹延半歲以酒食過量疽復發旣篤欲以前方療之懼人知之憂疑沮喪久不能決潛知意乃喻之曰

聞兄神授名方今病亟矣奈何懼潛見方之故忍死而不治豈保生承繼之意耶西華不得已乃口授之潛欲審其意皆三反而復之及藥成潛親傅之尋疾平乃遊荆蠻不知所之潛于是手疏五十本遍遺親識以矯西華之僻前潤州金壇縣尉得其方嘗遊西蜀活將死者五六人每欲傳其事貼于後以家故行役未諧此意貞元十年冬十月偶于秋浦與霍愿同詣周南宅夜話旣久言及方書遂授之于周南令志之

方曰此發昔者自內而出外者也熱毒中膈上下不以

蒸背上虛處先三五日隱脈妨悶積漸成腫治出皮膚

結聚成膿也其方如後案此節文義不甚可解疑有錯落

白麥飯石色黃類麥飯者尤佳炭白藪末 鹿角二

寸截之不用自脫者元帶腦骨者炭火燒煙盡為度杵為末 各等分

右並搗細末取多年米醋于鉢中煎並令魚眼沸
即下前件藥末調如稀餳以篋子塗傳腫上只當
瘡頭留一指面地勿令合以出熱氣如未膿當內
消若已作頭當撮小若日久瘡甚肌肉損爛筋骨
出露即布上塗藥貼之瘡上乾即再換但以膈中
不穴無不差瘡切忌手 宜慎之劉夢得傳信方

亦有不及如此之備

小硃散 治癰疹久不瘥每發或先心腹痛痰癢麻痺

筋脈不仁

成塊赤土有沙石者不可用當歸各等分

右冷酒調下二錢日三服兼用塗藥

護火草大葉者又名景天生薑和皮不洗等分研鹽量多少

右塗摩痒處如遍身癢疹塗發甚處餘處自消

治發瘡疹不透蓄伏危困者

以人牙齒三五枚炙令黃為末乳香湯調下余目
見兩人用之皆一服瘥一方燒過溫酒下亦可服

訖片時瘡便透

柴胡湯 治瘰癧

柴胡 荆芥穗 秦艽 知母 當歸 官桂 藿

香 甘松 敗龜醋炙 川烏頭 地骨皮 白膠香

白芍藥以上各半兩 京芎藭一兩 苧根濕秤二兩碎剉

右藥並淨洗曝乾搗羅爲末每服二錢水一盞入薑三片大棗一箇同煎七分去滓服早午食後夜睡各一服三服滓又煎一服忌一切魚麪等毒仍忌房事不善忌口及諸事者服此藥無驗又用貼瘡藥石行根不以多少爲細末用蜜調如膏藥用

貼瘡口兩三日一看頻易之此二方得于華亭陶中夫宰君中夫先得柴胡一方用之如神又于里巷醫處得此貼藥方相須冥若神契中夫在華亭半年之間治二十餘人皆愈此予寓秀州所目見者

又方

取鯽魚長三寸者去腸以和皮巴豆填滿腹麻皮纏以一束稗草燒烟盡研粳米粥丸菜豆大粟飲下一丸未利加一丸以利爲度每日以此爲準常令小利盡劑乃安甚者破者效尤速忌猪肉動風

物

祛風丸

治風毒癩癧

皂莢

三十枚十枚火燒過十枚塗酥
炙去皮子十枚水浸搥去滓

何首烏

蒸乾薄

荷

元參各四
兩精羊肉

右以皂莢水煮肉使爛細研和藥為丸梧桐子大

每服二十九空心溫酒下薄荷湯亦可伯父吏部

病癩癧百療不差得此乃愈梁氏老嫗頷下有瘡

如垂囊閩僧嘉履病癩癧服之皆半月愈此皆予

目擊者

地骨散

治惡瘡

地骨皮一物先刮去浮皮別收之次取浮皮下一

白粉為細散其白粉下墜赤皮細剉與浮皮一處

為麤末麤末細散各貯之每用麤皮一合許煎濃

汁乘熱洗瘡直候藥湯冷以軟綿裹乾乃用細散

傅之每日洗貼一次以瘡為期梓州路轉運判官

張君曾當胸下銳骨端隱隱微痛後月餘漸有小

瘰子如豆粒久之愈大如栗遂潰膿成瘡痛楚不

可臥每夜倚物而坐至曉如此三年不瘥國醫仇

鼎沈遇明輩治之都不驗後赴梓州行次華陰道

中有舊相識華山道士武元亨來迎就客亭中見

之元亨首問胸瘡如何張答以未瘥元亨曰嘗得一藥效驗無比久欲寄去不值使人聞當道過華陰特來此奉候已數日今日方欲還山而公適至始此疾當瘥矣遂手授此方張如法用之始用藥洗極覺暢適異常淋至夜深方用散傅瘡遂不痛是夜得睡至曉自此每夜一次洗貼瘡不復痛矣然尚未斂間或一夜不洗貼則復發痛自此用之便不敢闕凡四箇月瘡雖尚在而起居飲食如常一旦瘡忽痛通夕不寐淋之亦痛不止使人視之瘡中一肉顆如石榴子痛已漸定數日間瘡口肉

已合自此遂瘥太學博士馬君希孟之弟亦嘗患瘡于胸腹間久不瘥瘡透腹見膜醫皆閣手得此散用之即瘥揚州士人李君在太學手掌心生一瘡日久掌穿透惟有筋骨謁假歸廣陵值張梓州得方服之遂瘥此藥暫用未差切不可住要在勤志不怠乃見奇驗小疔瘡腫疼痛只以枸杞根生剉煎濃汁熱淋亦效

治癩方

苦胡麻

半升
別搗天麻
二乳香
三

右荆芥蠟茶下三錢忌鹽酒房事動風物凡一百

二十日服半月後兩腰眼灸十四壯此丞相長安
公家方醫人無數若頭面四體風瘡腫痒多汁者
只七八服即瘥予親試之

治遠年裏外賺瘡不差者

檳榔

乾猪糞

燒存性各半兩

龍骨

一分水銀粉少許

右三物爲細末入水銀粉研勻先以鹽水洗瘡熟
絹裏乾以生油調藥如膏貼瘡三日一易三五易
定瘥忌食無鱗魚鮓熱麪凡脛內外瘡世謂裏外
賺瘡最難得藥此方併前治小腸氣方本建安軍
人吳美者後美犯僞印坐死司理參軍王炳之憐

其曉事常加存恤其人臨刑泣念曰生平有兩方

治疾如神常賣以自給可惜死而不傳遂以獻炳

之屢用有驗予就炳之求得之許孫二真人方用定粉不用水銀粉

夏子益方多地骨皮一味并用地骨皮煎湯洗

火府丹 治下疳脚瘡

甘遂

肥實連珠者一兩薄切疏布囊盛

芎藭

一塊剉如葶

右以紙籠香爐令至密不漏烟頂畱一竅懸甘遂
囊于竅間其下燒芎藭一塊令烟熏甘遂燒過更
燃一塊芎藭盡取甘遂爲末三十歲以上氣盛者
兩三錢虛者平二錢半羯羊腎一對剉開勻分藥

末在內淨麻纏定炭火炙熟無令焦臨臥爛嚼溫酒下隨人酒量能飲一斗者可飲五升以高物支起雙腳一服即瘥

療久瘡

右用猪筒骨中髓以膩粉和為劑復納骨中泥裏火煨香熟出先以溫鹽水浴瘡乃傅之臨安陳令傳極妙

治瘡疥甚者

草烏頭一兩每箇四破之大豆一兩半右同入沙餅煮極爛每服一片豆少許空腹下子

用過

瘡 兒子病瘡偏體拘攣立不可臥臥不可起服此即瘥

治陰瘡痒痛出水久不瘥

銅錢百枚烏梅七枚鹽二錢右水一碗半煎至一碗熱洗

又方

蠟茶 五倍子等分膩粉少許右先以漿水葱椒煎湯洗後傅之未差再為之二方相須用之無不即驗

治癬久患用之即瘥

蘇沈良方七

蘇沈良方七

三

決明子 不拘多少

右為末加少水銀粉為散先以物擦破癬上以散傅之立瘥

繫瘤法

右取稻上花蜘蛛十餘箇置桃李枝上候垂絲下取東邊者撚為線子繫定瘤子七日候換瘤子自落沈興宗待制家老姥病瘤如掌拳用此法繫之至三換瘤子遂乾一夜忽失所在天明于枕邊得之如一乾粟 袁當時方瘤落後以白花蛇頭燒灰和輕粉傅之

治甲疽弩肉裏甲膿血疼痛不瘥


膽礬 燒

右先剔去肉中 案此句下傳寫缺 傳藥瘡上縱有弩肉一傅即乾落

續骨丸

臘月猪脂 五兩 蠟 半斤 以鉛丹 羅 自然銅 蜜陀僧 細研
各四兩 白礬 十二兩 麒麟竭 沒藥 乳香 硃砂 各一兩

右新鼎中先鎔猪脂次下蠟出鼎于冷處下蜜陀僧鉛丹自然銅緩火再煎滴入水中不散更出鼎于冷處下諸藥用柳篋攪勻瀉入瓷盆內不停住



手攬至凝丸如彈丸且用笋皮之類襯之極冷收
凡折傷用一丸入少油火上化開塗傷痛處以油
單護之其甚者以燈心裏木夾之更取一丸分作
小丸熱葱酒下痛即止如藥力盡再覺痛更一服
痛即止骨折者兩上便安牙疼甚者貼之即止此
方小說所載有人遇異人得之子家每合以拯人
無不應驗

神授散 治傷折內外損

川當歸

洗淨別搗 鈔粉

洛粉最上 硃砂二錢

右同研勻細每服二錢濃煎蘓枋汁調下若損在

腰以上先啣淡麪半碗然後取藥在腰以下即先
服藥後啣麪仍不佳呷蘇枋汁更以糯米為粥入
沒藥三錢拌和攤在紙上或絹上封裏損處如骨
碎則更須用竹木夾定外以紙或衣物包之長安
石使君一日謁尹至闔闔中忽有人呼其姓石顧
之稠人中不及識明日過市復聞其呼顧其人近
在馬後問何以見呼其人曰我無求于人以爾有
難特來救爾昨日何以不應石辭謝之欲下馬與
語其人止之曰市中非下馬之所褫衣領中出二
書授之曰有難則用之稠人中遂引去石歸視之

乃此方也石到京師趨朝立馬右掖門外爲他馬
所踢折足墜地又爲馬踏手臂折昇至家屢氣絕
急合此藥服且過半夜痛遂止後手足皆完復石
子爲朝官知名關中人往往聞此事熙寧中府界
教保甲時四方館使劉君提舉每有墜馬或擊刺
所傷皆與藥用之卽瘥好事者欲其方賂主方者
竊得止有兩物而無當歸湯悉同後予見兩浙提
點刑獄使者云親得其方于石君恐保甲主方者
隱其一味耳

筋斷須續者

旋覆根絞汁以筋相對取汁塗而封之卽相續如
故蜀兒如逃走多刻筋以此續之百不失一

治骨鯁或竹木簽刺喉中不下

右臘月取鯢魚胆懸北簷下令乾有鯁卽取一阜
角子再以酒一合煎化溫啜若得逆便吐骨卽隨
出若未吐更飲以吐爲度雖鯁在腹中日久疼痛
黃瘦甚者服之皆出若卒求鯢魚不得蠶魚鰕魚
鯽魚皆可然不及鯢魚胆臘月收者最佳常有邏
卒食雞鯁在腹中常楚痛但食粥每食卽如錐刺
如是半年支離幾死杖而後能起與此一服大吐

覺有一物自口出視之乃雞骨首銳如刺其尾爲
飲食所磨瑩滑如珠

治諸鯁

以木炭皮爲細末研令極細如無炭皮堅炭亦可
粥飲調下二錢日四五服以鯁下爲度此法人家
皆用予在漢東乃目覩其神有劉晦士人鄰家一
兒誤吞一錢以此飲之下一物如大烏梅剖之乃
炭末裏一錢也池州徐使君極寶此方數數用之
未有不效者近歲累有人言得此方之效不復悉
載

火燒瘡方

北夢瑣言記云孫光憲家人作煎餅一婢抱孩子
擁爐不覺落火之上遽以醋泥傅之至曉不痛亦
無癩痕定知俗說亦不厭多聞

毒蛇所傷方

朝野僉載記用艾炷當嚙處灸之引去其毒氣卽
瘥其餘惡蟲所螫馬汗入瘡用之亦效



其其箱... 時裡... 毒地...
其其箱... 時裡... 毒地...
其其箱... 時裡... 毒地...

無... 蘇... 此... 火...
無... 蘇... 此... 火...
無... 蘇... 此... 火...

藝海珠塵

南滙 吳 省蘭 泉之輯
南滙 王 維謙 建侯校

蘇沈良方 八

蘇軾沈括纂

朱黃琥珀散 治婦人血風勞

琥珀 沒藥 木香 當歸 芍藥 白芷 羌活
乾地黃 延胡索 川芎 土瓜根 丹皮
白朮 桂 各一兩

右件爲末每服二錢水一盞煎至七分益酒三分

蘇沈良方 八



復煎少時并滓熱服重疾數服則知效

麥煎散 治少男室女骨蒸婦人血風攻注四肢心胸煩壅

龍甲醋炙 大黃濕紙裹 常山 柴胡 赤茯苓 當歸
酒浸 乾漆 白朮 生乾地黄 石膏各一兩 甘草半兩
一宿 乾漆 白朮 生乾地黄 石膏各一兩 甘草半兩
右每服二錢小麥五十粒水一盞煎至六分食後
臥時溫服有虛汗加麻黃根一兩此黃州吳官方
療骨熱黃瘦口臭肌熱盜汗極效麥煎散甚多此
方吳君寶之如希世之至珍其效可知

白朮散 治婦人妊娠傷寒

白朮 黃芩等分新瓦上同炒香

右為散每服三錢水一中盞生薑二片大棗一箇
擘破同煎至七分溫服但覺頭發熱便可服三二
服即瘥惟四肢厥冷陰症者未可服此方本常州
一士賣此藥醫工皆論勸售去行醫用之如神無
人得其方予自得此治疾無有不效者仍安胎益
母子

肉桂散 治產後眾疾血氣崩暈腫滿發狂瀉痢寒熱
等惟瀉而吐者難瘥

黑豆炒熟去皮 肉桂 當歸酒浸 芍藥 乾薑炮 乾地黄



甘草 蒲黃各一兩

右溫酒調下二錢日三服疾甚者三服瘥無疾日二服七日止

大黃散 治產後血暈及傷折內損婦人血癥血瘕

羊脛炭燒赤酒淬十遍五兩 大黃小便浸七日旦易日足濕紙裏煨熟切焙 巴荳肉漿水煮黃色焙 半兩錢燒赤米醋淬為粉新水各三兩半 措過取細者二兩一分

右和研一日每服半錢當歸一分便煎濃稍溫調下產後血暈百病且當逐血者至甚乃服口噤者斡開灌下後識人更一服累經生產有血積癥癖塊及敗血風勞寒熱諸疾當下如爛猪肝片永無

他疾墜擊內損當歸酒下一字有某墜下折脅當折處陷入肌中痛不可忍服此藥如人以手自內拓之筋骨遂平

澤蘭散 治婦人產乳百疾安胎調氣產後血暈衄血血積虛勞無子有子即墮難產子死腹中胎衣不下血注遍身生瘡經候不調赤白帶下乳生惡核咳嗽寒熱氣攻四肢處女任脈不調等常服益血美飲食使人安健有子

澤蘭嫩葉 石膏八分 當歸 赤芍藥 川芎微炒 甘草炙 白蕪荑各七分 生地黃六分 肉桂五分 厚朴薑炙 桔梗 吳

茱萸炒 卷柏并根 防風 白茯苓 柏子仁 細
 辛各四分 人參 白芷炒 白朮米泔浸一宿切麩炒黃色 藁本 椒
 紅 乾薑炒 烏頭炮 黃芪 五味子各三分 白薇 丹
 參 阿膠炒二分 各

右為細末空心熱酒調下二錢子家婦人子女羸弱多疾者服此藥悉瘥

治祿中小兒臍風撮口法每視小兒上下斷當口中心處若有白色如紅豆大此病發之候也急以指爪正當中指之自外達內令斷微血出亦不妨又于白處兩盡頭亦依此掐令內外斷只掐令氣脈斷不必破肉指爪

勿令太銛恐傷兒甚予為河北察訪使日到趙郡有老人來獻此法云篤老惜此法將不傳願以濟人詢之趙人云此翁生平手救千餘兒矣環趙數邑人皆就此翁治應手皆愈

黑神丸 治小兒急驚慢驚風

膩粉半錢 墨土 白麴 蘆薈炙一錢 麝香 龍腦
 牛黃 靑黛 使君子去殼麴裏煨熟各五分
 右麴和九梧桐子大每服半丸薄荷湯研下要痢即服一丸楚州小兒醫王鑑賣此藥致厚產鑑神之未嘗傳人子得之乃常人家睡驚丸小不同耳



治驚風極效前後用之垂死兒一服即瘥

青金丹

治小兒諸風諸疳諸痢

青黛

三分

雄黃

研

胡黃連

各二分

朱砂

研

膩粉

熊膽

溫水

白附子

蘆薈

研一分

麝香

研半

蟾酥

水銀

各阜

龍腦

各一字

右同入乳鉢內再研令勻用豬膽一箇取汁熬

過浸蒸餅少許為丸黃米大曝乾一歲可服二丸

量兒大小增之驚風諸癩先以一丸溫水化滴鼻

中令嚏戴目者當自下癩癢亦定更用薄荷湯下

諸疳粥飲下變蒸寒熱薄荷湯下諸瀉痢米飲下

疳蚘咬心苦楝子煎湯下鼻下赤爛口齒疳蟲口

瘡等乳汁研塗病疳眼雀目白羊子肝一枚竹剝

開納藥肝中以麻縷纏米泔煮令熟空腹服乳母

常忌毒魚大蒜雞鴨猪肉此丸療小兒諸疳至良

子目見小兒病疳瘡盡但粗有氣服此或下蟲數

合無不即瘥而肥壯無疾幾能再生小兒也

桔梗散

治小兒風熱及傷寒時氣瘡疹發熱等症

桔梗

細辛

人參

白朮

桔蘆根

甘草

炙

茯苓

芎藭

右等分為末每服二錢水一盞薄荷二葉同煎七

分三歲已下兒作四五服五歲已上分二服予家
常作此藥凡小兒發熱不問傷寒風熱先與此散
服往往輒愈兼服小黑膏尤善 此桔梗散與活
人書方同名惺惺散孔氏家傳云惺惺散加鈎藤
蟬蛻與小兒喫甚妙理上壅風熱

小黑膏 治小兒傷寒風癩

烏頭 天南星 大者燒通赤入小瓶內濕紙密口令
火滅取刮之中心存白處如阜茨子

大為度須燒數枚擇中
度者可用 各一枚 薄荷 元參 末 各
五錢

右蜜和葱白湯下荳許頻服筋緩急加乳香同葱
白煎湯潤州傳醫賣此藥累千金余家小兒傷寒

風發熱與二三丸令小睡及寤則已涼矣

治痘瘡欲發及已發而陷伏者皆宜速治不速毒入臟
必致困宜服此

豬血 臘月取瓶盛
挂風處令乾

右取半棗大加龍腦大荳許溫酒調下潘醫加棗
荳英粉半棗塊同研病微有即消甚則瘡發亦愈
予家小女病傷寒但腹痛晝夜號呼手足厥冷形
症極惡肘瘡倒發予疑為醫以藥伏先不畜此藥
急就屠家買少生血時盛暑血至已敗惡無可奈
何多以龍腦香和灌之一服遂得少睡須臾一身



皆瘡點而安不爾幾至不救痘瘡欲無癩頻搗去
勿令隱肌乃不成癩縱搗傷有微血但四面膏塗
無苦也瘡痂不可食雞鴨卵食即盲瞳子如卵色
其應如神不可不戒也

治小兒豌豆瘡入目痛楚恐傷目

用浮萍陰乾每服一二錢隨兒大小以羊子肝半
箇入蓋子內以杖子刺碎爛投水半合絞取汁調
下食後服不甚者一服瘡已傷目者十服瘡邢州
杜醫用此藥前後效者甚多

辰砂丸 治小兒驚熱多涎痰瘧久痢吐乳午後發熱

驚癩等疾

辰砂 粉霜 膩粉各一分 生龍腦一分

右軟糯米飯爲丸菴荳大一歲一丸甘草湯下大
人七丸

治小兒走馬疳唇齒瘡爛遠巡狼狽用此即瘥

砒霜 粉霜二物先研極細 石灰羅過次研

右等分相合左右轉研各千下當極膩如麪每以
雞羽尖挑少許掃瘡上其瘡即乾慎勿多用恐入
腹中有大毒慎之海州東海縣民家賣此藥每一
日只一掃如米許大無不差者

麝香散 治小兒走馬疳牙齦腐爛惡血口臭牙齒脫落

黃連末三錢 銅綠 麝香各二錢 水銀一枚同研

右漱口淨以藥傅瘡上蘭香葉覆之內蝕為坎者

一備即生肉

牛黃煎 治小兒諸疳諸痢食傷氣脹體羸頭大頭髮

作穗壯熱不食多困齒爛鼻瘡等疾

大蚶蚶一枚去皮骨腹胃炙為末無灰 訶子炮 使君

子 胡黃連 蟬殼洗不 墨石子 蘆薈 燕黃 熊

膽 硃砂 夜明砂 雄黃各一分 木香 肉荳蔻春

各半分秋 冬各一分 牛黃二錢 麝香一錢 龍腦五分

右為丸如麻子大飲下五七丸驚疳金銀薄荷湯

下肝疳腹脹桃仁茴香湯下疳蟲東引石榴苦楝

根湯下五歲以上十丸此藥尤治疳痢脇熱而痢

者不可服


吳婆散 治小兒疳瀉不止日夜通數不記漸漸羸瘦

眾藥不效者

黃柏蜜炙 黃連微炒 桃根白皮 燕黃去皮 木香 厚

朴薑汁 丁香 檳榔各一錢 沒石子半錢 棟根白皮七分

右為末每服一字三歲以上半錢五六歲一錢用



紫蘇木瓜米飲調下乳食前一日三服予家小兒
曾有患瀉百餘日瘦但有皮骨百方不瘥有監兵
鍾離君見之曰何不服吳婆散立可瘥也予因問
吳婆散何藥曰古方也人家多有之乃問求方合
與兩三服便效又一孫男亦疳瀉勢甚危困兩服
遂定若病深者服一兩日間決瘥此藥若是疳瀉
無不驗者藥性稍溫暴熱瀉者或不相當
寒水石散 治小兒之病多因驚則心氣不行鬱而生
涎逆為大疾宜服常行小腸去心熱兒自少驚亦不成
疾

寒水石 滑石 水研如泔揚去粗者存細者瘥乾更研無聲各三兩 甘草 一兩生

右量兒大小丸月冷水下寒月溫水下凡被驚及

心熱不可安卧皆與一服加龍腦更良

小硃砂丸 治小兒驚積鎮心化涎

硃砂分 一巴莖三十粒去皮膜出盡油 半夏 湯洗七遍炒二錢 杏仁 五枚炮去

皮尖

右麩和丸如菘荳大二歲一丸荆芥薄荷湯下三
歲二丸五歲三丸如驚伏在內即行盡仍舊藥出

如無驚藥更不下

妙香丸 治小兒虛中積潮熱寒熱心腹脹滿疼痛

蘇沈良方八 久



辰砂一兩 牛黃 生龍腦 麝香各一分 粉霜 臙粉

錢各一 金箔十四片 蠟二兩 巴豆一百二十箇肥大者

右丸量虛實加減龍腦漿水下夜半後服臙虛即
以龍腦米飲下每服三丸如小荳大藥勢緩即按
令匾疾堅者加至十九丸皆以針刺作數孔以行藥
力小兒取積丸加菘荳治小兒吐逆尤效此藥最
下胸中煩及虛積

治小兒臙久不乾赤腫出膿及清水

右用當歸焙乾為末研細著臙中頻用自差予家
小兒嘗病臙濕五十餘日貼他藥不差聖惠有十

餘方試之亦不效至此方一傳而乾後因尿入瘡

復病又一貼愈

治小兒熱嗽

馬牙硝 白礬各半 黃丹一分

右同研入合子固濟火燒令紅覆潤地一夜再研
加龍腦半錢甘草湯下一字或半錢

治小兒肥疳瘡多生頭上浸淫久不差及耳瘡等悉主
之

石菘 白芷等分

石以生甘草洗瘡傳藥一日愈

石以生甘草洗瘡傳藥一日愈



本草拾遺 甘草 藥一 日愈

百濟 白芷 卷

小兒疳積 藥 主 腹 上 氣 消 八 不 差 文 且 藥 善 悉 主

吐 瀉 半 錢 甘 草 湯 一 字 每 半 錢

本 同 兩 入 合 干 固 齒 火 熱 令 珠 璣 斷 此 一 交 再 掩

黑 天 齒 白 礬 各 半 黃 丹 一

小 兒 驚 風

專 治 又 一 胡 愈

箱 式 培 之 衣 不 效 至 此 式 一 轉 而 掉 發 因 氣 入 發

藝海珠塵

子部醫家類

南 滙 吳 省 蘭 泉 之 輯

南 滙 金 沐 德 培 之 校

一草亭目科全書

鄧 苑 簋 苑 字 博 望 江 西 清 江 人 明 醫 士

目論

經曰五臟六腑之精華皆上注於目骨之精為瞳子屬
睛筋之精為黑珠屬肝血之精為絡屬心氣之精為白
珠屬肺肉之精為約束屬脾血氣之精脈所係上屬於
腦後出於頂荷破六淫外感七情內傷飲食失節勞役

一草亭目科全書




過度皆能損目夫目通肝竅腎藏其精一有怫鬱則相火挾肝木而上行遂致傳變多端有七十二症之名總不越內外二障而已華元化云目類丸形瞳神居中而前如日月之麗東南而晦西北也有神膏神水神光真血真氣真精此滋目之源液也神膏者目內涵膏神衰則有損神水者出三焦而發源先天真一之氣所化目上潤澤之水也水衰則有火勝燥暴之患水竭則有目輪大小之疾耗澁則有昏眇之危虧者多盈者少是以世無全精之目神光者原於命門通於膽發於心火之用事也火衰則有昏瞶之患火炎則有焚燥之殃夫心

君主也通於大眥故大眥赤者實火也命門爲小心小心相火也代君行令通於小眥故小眥赤者虛火也若君主拱默則相火自然清寧矣真血者卽肝中升運滋目注絡之血也此血非比肌肉間易行之血卽天一生之水故謂之真也真氣者卽目之經絡中往來生運之氣乃先天真一發生之元陽也真精者乃先後二天元氣所化之精汁起於腎施於膽而後及瞳神也凡此數者一有所損目則病矣無間子曰夫目者先天之氣所生後天之氣所成陰陽之妙蘊水火之精華血養水水養膏膏護瞳神氣爲運用神卽維持喻以日月理實

同之人身至寶所當重也

目

圖



目議

黑珠屬肝肝為木也 東方屬木本生風在臟為肝應
目中暴怒不常生內鬱更因風熱瞽侵瞳其症因惱怒

不常勞役過度外感風寒內傷色慾以致頭目眩暈視
物不明日久不治遂成昏暗等症

大小眚屬心心為火也 心居包絡名君主血逐火奔
眼內凝眚頭大小分虛實遠視還同是火星其症因憂
愁煩勞悲苦思慮內傷於心外攻於目赤筋灌瞳弩肉
攀睛目久不治漸至失明等症

上下胞屬脾脾為土也 太陰屬土主脾元積熱相干
病有源上下胞腫又赤挑針時發蒂依存其症因多
食熱物炙烤辛酸壅熱在內瘀血腫痛粟沙隱澁日久
不治以致爛弦倒睫纏綿不已等症

白珠屬肺肺爲金也 肺臟停留心熱攻雙睛微見絳
紗籠但宣腸胃辛涼劑方解昏昏似火紅其症因凌霜
冒雪饑飽失常風邪外受內熱上攻日久不治以致視
物不明變成白膜遮睛疼痛難開衝風出淚等症
瞳人屬腎腎爲水也又通膽竅此水木有相生之義肝
腎有同治之方 腎膽同源精自華陰虛火旺便生花
上沖瞳水還成綠急養化源不用嗟其症因嗜慾無厭
房勞過度大驚傷神大恐傷志水火既虧陰陽漸損冷
淚流於臉上飛花越於目前綠水灌瞳青盲內障等症

外障

暴發時眼	疼痛難開	時眼傳染	羞明怕日
白珠生瘡	粟沙隱澁	胞瞼腫爛	拳毛倒睫
弩肉扳睛	赤筋貫瞳	翳膜遮睛	垂簾翳障
衝風出淚	漏睛膿出	傷寒流毒	烏珠下陷
烏珠突出	偷針時發	胞内生膠	風牽喎斜
雀目凝睛	撞破生翳	血灌瞳神	飛塵傷目
時發有根	瞼硬腫脹	瞳神脹痛	時發癰澁
小眚赤澁	大眚赤澁	冰輪翳	梅花翳
旋螺翳	浮翳	實翳	濕翳
乾翳	釘頭翳	白翳	紅翳

青翳

黃翳

黑翳

時發時散翳

裏急外弛

跌撲損傷

外障

世謂眼病屬火然非外受風邪眼必不病因腠理為風邪所束內火不得外洩挾肝木而上奔眼竅血隨火行故患赤眼及時調治自獲全愈倘日久不治及治而無效為粗工所悞遂成外障等症外障者風凝熱積血滯也法當除風散熱活血明目須用加減金液湯主之外點玉華丹自愈如患翳膜遮睛者用仙傳紫金膏點之此膏能開瞽或武當人龍此君亦妙

金液湯治外障等症

軟前胡 一錢

白桔梗 八分

直防風 一錢

川獨活 三分

京芍藥 一錢

肥知母 五分

荆芥穗 五分

蘇薄荷 六分

蔓荆子 七分
炒研

北柴胡 炒一錢

片黃芩 炒五分

咀片水煎熱服

如受風寒重者初二劑加羌活 五分 小川芎 二分

白芷梢 二分 後服仍去

如淚多者加北細辛 二分 家園菊 五分

如腫脹者加葶藶子 三分



如痛甚者加厚黃栢三分

如紅甚者加連翹三分 桑白皮四分 牡丹皮六分

紅花三分

如翳膜者加木賊四分 白蒺藜八分

如翳障弩肉者加石決明煨一錢

如昏瞶者加密蒙花八分 家白菊五分

如大眚紅者加梔子仁炒黑七分

如小眚紅者加酸棗仁炒一錢 遠志肉甘草煎水浸

錢麥門冬去心一錢 家白菊三分 生地黃一錢

當歸尾三分 熟地黃一錢

如初發赤眼服藥六七劑可愈且無後患外點藥

如屢發者風邪積熱人在經絡遇寒即發服金液湯

十餘劑後或作散或作丸服調理三四十日外用

玉華丹日點一次即愈

如體虛者須用加減地黃丸空心服飯後用金液散

此法最妙

如服金液湯須飯後熱服每日止服一劑不可驟進

恐傷胃氣服至六七日自愈

如外障等症多是有餘不可妄投補劑恐助邪為害

如內熱甚者大便閉結兼以體旺年少之人加大黃



一二錢 通後除去此症北京最多湯用五龍

五龍湯 治暴赤腫痛如北地體旺者宜服

陳麻黃 荆芥穗 白桔梗

牛蒡子 莊大黃

咀片各一錢三分作一劑生薑五錢葱頭一二兩為引服後腫消紅退仍用金液湯二四劑外點玉華

丹

玉華丹 治眼患外障紅腫羞澁昏翳膜等症

盧甘石 二兩取白而輕者如雲片及羊腦髓樣 川黃連 一兩去薑切碎水一鍾浸半日

隔湯煮汁童便一鍾取男半歲無病者同連汁和作一碗

將甘石置傾銀罐內炭火煨成碧色取起以連汁童

便淬之如此煨淬七次加硃砂三錢同研為末水飛

去脚候乾又研極細如塵收貯聽用名曰丹頭另製

珍珠將珠錢許置豆腐內碗盛蒸一時久研極細收

貯聽用

丹頭一錢加珠末二分旋研水片三分和勻入磁罐

封固凡一切外障眼以銀簪或象牙簪沾藥點兩背

內閉一飯久仍以簪撥出藥屑每日早飯後點一次

或夜點亦可

仙傳紫金膏



真黃丹

五兩研細水飛候乾用厚綿紙盛鍋內炒熟

氣又研如川黃連去蘆淨二石燕一雌一雄大者如

搗末水石蟹不拘一個二個與石燕阿子十二真熊

飛聽用石蟹雌雄等分搗末水飛阿子十二真熊

膽三錢或五錢多則效速試法塵撒水面取冬白蜜

八兩濾淨先將連訶用井水三碗煎至碗半以蟹燕為細末水

飛過調和藥汁同蜜銀鍋慢火煎三五沸後入丹再

煎取柳條或桃槐條不住手順攪用水一盆在旁如

沸起即擡鍋放水盆內待藥有絲為度入熊膽再旋

百餘旋勿令雞犬生人婦人見之此方專治男婦一

切眼疾雙目不見十餘年者竟能還明但用兩蛤許
每日點五七九次不用雙點初點七日停三五日又
點七日用燈草振其瞖膜眼自明矣如重者不過三
七日神效

七寶膏

去諸醫障

珍珠三錢 琥珀三錢 水晶三錢 龍齒一錢 石決明熊

膽各三錢 龍腦旋加五分

右搗碎研細水五升砂鍋內煎至一升去粗用銀鍋
熬至一盞入淨白蜜五錢和為膏每夜臥後點之早
不可點



武當祕授仙方

武當山上一仙方洩漏天機不可當巴豆蕤仁和製石礪砂龍骨白丁香不論遠年醫膜障管教一點便開光

製石二錢 巴豆去殼一錢 蕤仁一錢二味全煎製石內候乾聽用

礪砂用田螺一個漂二日泥淨開口時以礪砂三四分入內候其化水以銀銚煎乾收貯每用二釐

龍骨火煨為極細末一分白丁香取兩頭尖者端午取用甘草湯浸一宿曬乾研細收貯旋加少許點醫膜障肉

人龍散 治紅腫醫膜


人龍一條取壯大色白者以線繫首尾入長流水洗淨將磁尖破開滴白漿入製石內點目亦效

一去弩肉用杏仁百粒搗爛取汁調製礪砂點或又用白丁香亦可

此君丹 治醫

淡竹殼不拘多少用布拭去毛燒灰存性每藥一錢加麝香三五釐同搗細末點在醫上亦妙

凡治外障眼切不可用刀針鉤割恐傷眼血後成痼疾不可治療經曰眼得血而能視則血何可損也但用金



液玉華等方自愈

一凡飛絲入眼用鹽一粒在口噙化其絲自出或用香
草子一粒入眼其子在眼走動振絲撥出自愈

一凡嗜眼歪斜服去風藥數劑脈平又服溫補外用鱧
魚血磨白芨塗面一邊立見其貌端正矣

劉禹錫方 治一切患眼

用黃連末 麩仁去皮研各等分 棗二枚開頭少

許去核以藥填滿仍將棗頭合上綿裹用銀鍋煎水

一碗至小半濾起待冷洗眼立效棗用大而端正者

啼鼻碧雲散 治一切外障等症如開鍋蓋法常使邪

毒不閉令有出路然力少而銳嗜之適效宜常嗜以

聚其力

鷺不食草 二錢 青黛 一錢 川芎 一錢

右為細末先噙水滿口每用如米許噙入鼻內以淚
出為度

內障

絲水灌瞳 蠅影飛越 瞳神潤大 抱輪紅

瞳神焦小 亡血過多昏暗

瞳神返背 能遠視不能近視 瞳神缺陷

能近視不能遠視 瞳神破損 婦人胎風



瞳神空背

倒經血出

坐起生花

小兒痘醫

青盲醫障

小兒疳傷

冷淚時出

黑霧蔽空

眩暈轉睛

雀目夜發


烏風時發

不能久視

內障治法

內障受病多因瞳神不紅不腫人不經意日久不治便成痼疾瞳神屬腎又通膽腑人身最靈者惟此瞳神而人身最重者惟此腎經所謂乙癸同源也夫人有陰虛者有陽虛者陰虛則水不滋木少火挾肝木而上炎肝通眼竅眼斯病矣蓋腎經如太極圖也水火具焉右腎

屬陽水左腎屬陰水命門少火居中少火者陽也以一陽陷於二陰之中成乎坎之象故易謂天一生水也水火和平百骸通暢然脾土非少火不生肝木非腎水不養脾氣足自生肺金肝氣充自培心火則腎為五臟之源所謂先天真氣生身立命正在此也故無水者壯水之主以鎮陽光無火者益火之源以消陰翳非獨治目諸症可例推矣此水火乃無形之水火即先天真陰真陽也陰虛補陰陽虛補陽脈候參之庶幾勿失若水火有虧瞳神受疾遂為內障等症內障者血少神勞腎虛也法當養血補陰安神明日須用加減地黃丸主之



兼進五寶丹飯後服白獲奇效或千金磁朱丹與石斛

夜光丸連服及後方選用

六味地黃丸 壯水之主 左尺微弱補水以配火

懷地黃酒洗蒸晒九次又懷山藥四兩山萸肉去核

四兩洗蒸去皮屑淨蒸牡丹皮去骨光澤瀉

三兩去毛俱為末同地黃膏搗勻加煉蜜為丸如梧子大每日

空心用滾水吞三錢即以美膳厭下直至腎經且無

泥膈之事

加當歸五味生地黃柴胡名益陰腎氣丸等分

加枸杞白菊

八味地黃丸 益火之源 右尺火衰補火以固本六

味加製附子 一兩 肉桂 一兩

愚以附桂性烈用還少丹代之尤妙

還少丹 滋補腎水溫養少火諸虛百損男婦咸宜久

服却病延年

懷地黃四兩酒潤蒸晒九次甘枸杞四兩入乳蒸二

肉蓯蓉二兩酒洗去浮甲川巴戟酒浸去骨晒川

續斷二兩酒洗牛膝二兩酒洗川杜仲二兩姜汁山萸肉去核

淨二兩酒洗遠志水洗去骨晒石菖蒲用小而節

蒸過晒乾焙 遠志肉 乾二兩炒 石菖蒲 密者去毛

二兩 楮實子

揀淨二兩炒

小茴香

二兩炒

白茯苓

去皮木屑水淘淨蒸

二兩 過晒乾

懷山藥

二兩炒

名製就和勻用棗肉二百枚搗和加煉蜜為丸如梧

子大每日早晚滾湯好酒任服任吞五七十九丸此丸

久服健筋骨利關節充精血美顏色有大滋益養生

至寶 昔仙密授婦人服之果得高壽且如童顏因

子不服鬚髮皓然筋骨痿軟時常怒責一官遙見拘

問女何打父婦曰是吾子也不服吾藥故打之取方

歎賞名打老兒丸原係

孫真人白龍宮得來

凡腎經補藥俱可漸加

加味逍遙散

治鬱怒傷肝眼目赤澀昏暗婦人多有

之血虛發熱口乾自汗月經不調腹痛等症

大當歸

酒洗

白芍藥

酒炒

白茯苓

去皮

白朮

土炒

北柴胡

炒

牡丹皮

各一錢

蘇薄荷

三分

甘草

三分

川黃連

三分用吳茱萸煎湯拌炒

右咀片水煎

古方有梔仁

趙氏恐其傷胃氣故去之

歸脾湯

治思慮傷脾不能攝血或健忘怔忡驚悸盜

汗寤而不寐或心脾作痛嗜臥少食大便不調或肢


體重痛月經不調赤白帶下等症

人參

白朮

茯苓

棗仁



遠志

歸身

黃芪 各一錢 木香 三分

甘草 三分

右咀片水煎龍眼肉三個為引 心藏神而主血肝藏魂而主血脾藏意而統血若思慮俱傷而血不歸經故有前症治以此方使氣血和暢補肝實脾血之散於外者悉歸中州而聽太陰所攝矣

天王補心丹 治心血不足神志不寧津液枯竭健忘

怔忡大便不利口舌生瘡等症

人參 去蘆

元參 炒

丹參 炒

天冬 去心

麥冬 去心各一兩

五味子 蜜浸蒸如生用亦可

栝子仁 炒

酸棗仁 炒

遠志肉 甘草煎水浸一宿炒

白茯苓 去皮木

當歸身 酒洗烘各二兩

白桔梗 炒五錢

生地黄

酒洗薑汁炒研忌鐵器

右為末煉蜜為丸如椒目大白滾湯吞服三錢時臥

五寶丹 主開瞽復明瞳神缺者能圓陷者能起突者


能平真至寶也

夜明砂 水洗極淨

晚蠶砂 極淨醋炒

鳳皇退 殼內白衣洗淨微火焙乾如焦則不用

老母鴨肝 水泡切片新瓦焙乾忌鐵器



嫩雄雞肝前製如

各為極細末各等分和勻每日早晚用酒調服三錢服至七日見效如重者再服一料自愈

千金磁珠丹 治神水寬大漸散昏如霧中行漸觀空中黑花又漸觀物成二體久則光不收及內障神水淡綠色淡白色者

磁石 吸針者二兩 辰砂 一兩 神麴 四兩

共三味先以磁石置巨火中煨醋淬七次晒乾另研極細水飛候乾二兩辰砂另研極細水飛候乾一兩生神麴末三兩與前藥和勻更以神麴末一兩水和

作餅煮浮為度披入前藥內煉蜜為丸如梧子大每服二十九加至三十九飯湯送下空心服

右方以磁石辛酸寒鎮墜心經為臣肝其母此子能令母也辰砂微甘寒鎮墜心經為臣肝其母此子能令母實也肝實則目明神麴辛溫甘化脾胃中宿食為佐生用者發其生氣熟用者斂其暴氣也服藥後俯視不見仰視漸觀星月者此其效也亦治心火乘金水衰反制之病久病累發者服之則永不更作空心服午前更以石斛夜光丸主之

石斛夜光丸 治症上同

天門冬 去心焙 揀人參 各二兩 兔絲子 酒煮製研 七錢五分

五味子 炒五錢 麥門冬 去心焙 一兩 杏子仁 泡去皮尖 七錢五分

白茯苓 去皮 二兩 枸杞子 七錢五分 川牛膝 七錢五分

生地黄 一兩 熟地黄 一兩 家白菊 七錢五分

白蒺藜 五錢 金石斛 五錢 肉蓯蓉 五錢 酒洗 去浮甲

真川芎 五錢 中甘草 炒五錢 陳枳殼 去穰炒 五錢

懷山藥 七錢 青箱子 五錢 直防風 五錢

川黃連 炒五錢 草決明 七錢五分 羚羊角 筋末五錢

烏犀角 筋五錢

右二十五味製末煉蜜為丸如梧子大每服三五十

九溫鹽湯任下

右方羨補藥也補上治下利以緩利以久不利以速也故君以天冬人參兔絲之通腎安神強陰填精也臣以五味麥冬杏仁茯苓枸杞牛膝地黃之斂氣除濕涼血補血也佐以菊花蒺藜石斛菴蓉川芎甘草枳殼山藥青箱之療風治虛益氣祛毒也使以防風黃連草明羚羊烏犀之散滯瀉熱解結明目也陰弱不能配陽之病並宜服之此從則順之治法也

熊膽丸

觀音治眼方載藏經一人患目瞶障遮睛諸醫不效自念惟佛可救於是禮佛甚謹夜夢卓衣

人告曰汝要目明當服熊膽丸其在藏經後依方修

製服之旬日目明眸子瞭然即治人目疾多愈

真熊膽一分 川黃連 密蒙花

川羌活 漢防風各一兩 龍膽草一兩

蛇蛻一兩 地骨皮一兩 木賊草一兩

仙靈脾一兩 瞿麥五錢 旋覆花五錢

白菊花五錢 麩仁二錢五分 麒麟竭一錢

蔓菁子一合

俱為細末以羯羊肝一具煮其半焙乾入藥取其半
生者去筋膜研爛入藥杵而丸之 飯米飲

下二十九諸品修製唯木賊去節麩仁用肉蔓菁子

淘蛇蛻云

烏龍丸 呂仙翁治眼方一人性喜雲水見必邀款

小閣供純陽像奉事甚謹一日有客方巾布袍入語

曰汝目昏多淚當服烏龍丸可愈於是依方治藥服

之月餘目復明矣夜能視物年至九旬耳目聰明精

神如壯

生地黄 熟地黄惟出懷慶者佳

川花椒出四川閉口者勿用

三味各等分為末煉蜜為丸如梧子大空心鹽米湯



吞五十九丸竟可常服

報恩丸 一官治罪囚出活之後囚病死官患目疾爲

內障所苦喪明年餘適夜半獨坐歎息聞墻下悉窣

聲官問爲誰荅曰是昔蒙活囚今來報恩乃告一方

川黃連 一兩 白羊肝 一具去筋膜忌鐵器

以連末和肝於沙盆內研令極細爲丸如梧子大每

服以滾水下三十九丸連作五劑言訖忽不見於是修

服數日復明矣凡目疾皆可治忌猪肉冷水雄雞

孝感丸 一人父沒奉母週遊四方事母盡孝淳熙中

寓秦川因患赤眼食蟹遂成內障諸醫無效素解暗

誦般若經出丐市里所得錢持歸奉母凡歷五載忽
夜夢一僧長眉大鼻托一鉢鉢中有水令掬以洗眼
復告之曰汝此去當服羊肝丸也意其爲佛拜乞其
方僧遂以方授之

夜明沙 淨洗 當歸 酒洗 木賊 去節 蟬退 去足

各一兩共研爲末用黑羊肝四兩水煮爛搗如泥入

藥拌和又搗丸如梧子大食後滾水下五十九丸服之

百日復明與其母還鄉母亡棄家遂入道後竟仙去

三奇丸 治內障等症

熟地黄 九製 麥門冬 去心 車前子 去殼

各等分爲末煉蜜爲丸如梧子大食前服用滾水下

五十九

一子丹 葛仙翁治赤眼翳膜等症

大詞子 一枚以蜜磨點目中

二百花草膏 蜂採百花羊食百草

用羯羊膽灌入好蜜攪勻線緊縛蒸過懸風處候乾

入瓶點目

一 人患目服黃栢知母之類更加便血何也曰此脾虛

不能統血肝虛不能藏血也當用補中益氣湯吞六

味地黃丸果愈

補中益氣湯 治勞倦傷脾中氣不足等症

黃芪 一錢五分 人參 去蘆一錢 甘草 一錢

歸身 酒洗一錢 白朮 土炒一錢 陳皮 去白五分

升麻 三分

右咀片薑棗水煎服

一 富家子忽病視正物皆以爲斜凡物必更移令斜自

以爲正其父求醫一醫留其子盛設暢飲至醉乃扶

坐榻中使人擡之高下其手常令傾側展轉久之方

令登榻而臥達旦酒醒遣之歸家前日斜視之物皆

理正矣父母躍然而喜往謝問方何神效如此也醫



曰令即無病是醉中常閃倒肝一葉搭于肺上不能
下故視正為斜今復飲之醉則肺脹展轉之間肝亦
隨下矣藥安能治之哉
一孕婦忽然視物不明目昏作疼此因胎熱傷肝毒氣
上冲或外傷風熱內食炙燥性熱之物以菊連湯主
之或金液湯治之無不效也

菊連湯 治婦人胎風眼

- 防風 一錢
- 荆芥穗 五分
- 家白菊 五分
- 蟬退 五分
- 連翹 六分
- 枯黃芩 七分
- 川黃連 三分
- 梔仁 六分
- 牛蒡 五分
- 大當歸 八分
- 真川芎 五分
- 白芍 八分

懷生地 一兩 一錢

右咀片生薑一片燈心一丸為引熱服

一乳婦因悸而病既愈目張不得瞑醫曰煮郁李酒飲
之使醉即愈所以然者目絲內連肝膽恐則氣結膽
衝不下郁李能去結隨酒入膽結去膽下目能明矣
以一醉飲主之

一醉飲

郁李仁 泡去皮三錢

酒一瓶煮熱飲之果驗

一婦人年四十餘兩目昏昧咳嗽頭痛粗工罔效一醫



診脈皆細弱脾部尤近弦弱曰脾虛也東垣云五臟六腑皆稟受脾土上貫於目脾虛則五臟精氣皆失所司不能歸明於目矣邪逢其身之虛隨眼絲入於腦則腦鳴而痛心者君火也宜靜相火代行其令勞役運動則妄行侮其所勝故咳嗽也不理脾養血而以苦寒治眼是謂治標不治本也症脈既詳方從意立醫者意也因故曰如意飲

如意飲

- 人參 一錢五分
- 黃芪 一錢五分
- 麥冬 去心 一錢
- 貝母 一錢
- 歸身 八分
- 陳皮 五分
- 川芎 五分
- 黃芩 四分

- 家菊 五分
- 麥芽 四分
- 甘草 二分

右煎服二劑前症悉除

一婦人患爛弦風眼用覆盆子葉旋採以手揉碎入口中咀嚼而留汁滓於小竹筒內聽用取阜紗蒙眼用筆畫雙眸於紗上然後滴藥汁漬眼下茲轉盼間蟲出紗外有數十計其狀如絲色赤而長復用前法滴上茲又得蟲數十兼服消風清熱活血之劑遂獲全愈矣

覆盆子 能去眼弦爛蟲 覆盆子 能治目暗不見物冷

覆盆子草 多取晒乾用時搗令極細薄綿裹之以人乳浸之加人行八九里用以點目中即仰



面而臥不過三四日視物如童
但忌酒麪油蓋治目妙品也

一人患赤目腫痛脾胃虛弱飲食難進診其脈肝盛脾
弱如服涼藥以治肝則損脾飲食愈難進服煖藥以
益脾則肝愈盛而加病何以治之乃於溫平藥中倍
加肉桂不得用茶常發恐傷脾也蓋肉桂殺肝而益
脾故一治而兩得之傳曰木得桂而槁也

一人久患目盲有白翳遮睛服藥罔效蓋此眼緣熱藥
過多乃生外障視物不明彼皆以為肝損腎虛補其
肝腎則眼愈盲治以救苦丹一月目明

救苦丹

公猪膽 一個微火用銀銚內煎成膏候冷入冰片
末二三釐點入眼中漸覺醫輕又將猪膽白膜皮晒
乾合作小繩如釵大燒灰存性點醫甚者亦能治之

小兒痘毒眼治法

痘毒入眼有赤腫而痛不能開者有醫障遮蔽而不能
視者自古方書所論及俗說所傳皆以為痘瘡入眼而
不知此非有形之瘡乃無形之毒也其遮睛之醫有似
痘瘡而實非也蓋有形之瘡發于咽喉者有之發于口
舌者有之然皆外瘡起脹時內瘡亦盛外瘡收靨時內
瘡亦消惟入眼之毒必作於收靨之時或還元之後與



咽喉口舌之瘡迥異此以知其非有形之瘡也蓋眼者
五臟氣血之精華也痘毒之鬱滯於肌膚者爲癰爲癤
而其留滯於精華者則發于眼患矣毒已留於氣血精
華之分則其受病也深故患此者當乘時調治收功于
數十劑之後切不可鹵莽躁率責效於數劑之間何也
痘後之人元氣已弱受毒又深而其毒火發露在表又
在至高之位若驟用寒涼峻攻其裏而疏利其下則既
傷其元氣又拂逆其病勢未有不至於喪明者且或生
他症而爲大患者多矣須用清撥醫湯從容調治使
其毒氣漸退而元氣不損此萬不失一之術也切戒薰

洗若日久不治亦致失明患此症甚多彼不知治法又
何怪乎

清毒撥醫湯

防風	五分	荆芥穗	四分	蘇薄荷	四分
前胡	七分	蔓荆子	四分	京芍藥	六分
桔梗	五分	北柴胡	炒七分	片黃芩	炒五分
連翹	四分	肥知母	炒五分	牛蒡子	炒研五分
白芍	三分	密蒙花	四分	白蒺藜	炒去刺七分
木賊	三分	丹皮	四分	水煎熱服	
如紅甚加紅花	三分	桑白皮	蜜水炒四分	如醫膜遮睛	

加石決明

八分

如淚多加北細辛

二分 如內熱

甚加黃連

炒三分

如甚者可兼用後數方

紫龍丹 治小兒痘毒眼外用吹耳

黃丹

五分 真輕粉五分

俱為末研勻如左眼患吹右耳右眼患吹左耳每日吹二次每用釐許

密蒙花散 治症前同

密蒙花

酒洗晒乾五錢

蟬退

去足土五錢

穀精草

五錢

望月沙

洗淨晒乾一兩 即兔糞

俱為末每用獾猪肝一兩以竹刀披開將藥一錢和

在內用碗盛蒸熟服亦效

穀精草散 治症同

穀精草

一兩

生蛤粉

二兩

俱為極細末每用獾猪肝一兩去淨筋膜以竹刀切片和藥一錢蒸熟服效 上二方用母雞肝亦可

小兒疳積眼治法

小兒腸胃柔脆早不可饑晚不可飽衣服隨時自不生病因飲食失宜過饑過飽食後便睡日晚加食寒熱不調外感或少內傷實多元氣阻滯漸致虛弱遂難運化

藝海珠塵
釀而成疔又貪飲食肌肉愈瘦腹脹下利日久不治疔
癰傷肝目則病矣或閉或瞽而變生諸症從而夭折可
不悲哉醫不及時治非良法始如不覺久則喪明須用
祕授玉龍丹主之

玉龍丹 治小兒疳積傷眼

蘇雄赤 爲末水飛候乾三錢 寒水石 煨爲末九錢

右二味和勻每日用雞肝一具竹刀切片去淨筋膜
膽同藥一錢入酒一盞碗盛蒸食五日見效竟能開
瞽

治小兒雀目法

世傳雀目者何也曰每至日晚一目不見又 雞盲眼

經謂目得血而能視肝血有虧熱入血室故也血主陰
晚夜屬陰以類相從治不得法亦能爲害須用照月飲
主之或決明夜靈散更妙

照月飲 治雀目立效

真雄黃 爲末水飛候乾

用生雞剖取熱肝馬齒爛和黃五釐温酒調服

決明夜靈散 治雀目大人亦有此症并治

石決明 洗煨爲末 夜明沙 洗淨爲末 公豬肝 每用一兩羊肝更妙 以

竹刀切開肝作二片將藥各二錢鋪在肝上合定用

線縛之入沙罐內米泔水煮熟臨睡時連肝藥汁俱服

附刻薛氏選方

明目地黄丸 治男婦肝腎俱虛風邪所乘熱氣上攻

目昏遮睛羞澀多淚

牛膝酒浸三兩 石斛四兩 枳殼炒四兩 杏仁去皮尖四兩

防風四兩 生熟地黄各一筋

右為末煉蜜丸如梧子大每服三五十丸食前鹽湯

下按此方可治內外二障體虛及年老者甚宜

加減駐景丸 治肝腎氣虛兩目昏暗視物不明

熟地黄八兩 當歸五兩 楮實一兩 川椒一兩 五味一兩 枸杞三兩

兔絲子八兩 車前二兩 俱是兩數

各製末蜜丸梧子大每服三五十丸食前溫酒下按

此方治內障滋養神水日白明矣

地芝丸 治目能遠視不能近視漸至近亦昏蒙

生地黄焙乾 天門冬去心各四兩 枳殼炒二兩 甘菊花二兩

右為末蜜丸如梧子大茶清送下百丸

按陰虛不能近視此方補陰藥也故主之

定志丸 治目能近視不能遠視者

白茯苓 人參各三兩 遠志肉 石菖蒲各二兩



右爲末蜜丸如梧子大以硃砂爲衣每服七丸至二
三十九丸温米湯下食後日三服

按陽之不能遠視此方補陽藥也故主之但此症年
老有之空心當服還少丹及補腎陽之藥

菊睛丸 治肝腎不足眼目昏暗常見黑花多淚

枸杞子兩肉蓯蓉兩巴戟天兩甘菊花兩

右爲末蜜丸如梧子大每服五十九丸鹽湯温酒任狀

按此方專補命門少火此水中之火不足蓋水滋肝
木肝通眼竅是以神水足而神膏養神光自發瞳神
可保無恙矣明目何疑地可加熟八兩

五秀重明丸 治腎膜遮睛癰澁昏花常服清利頭目

甘菊間頭五百朵荆芥穗五百穗楮實子五百粒

木賊去節五百莖川花椒五百粒去子

爲末蜜丸彈子大每服一丸細嚼徐徐嚥下

按此方俱輕清上行之品治標可也宜暫用之

瑞竹四神丸 治腎經虛損眼目昏花

自枸杞一筋取色赤滋潤者作四分用酒一杯潤之

一分川椒二兩同炒一分小茴一兩同炒

一分芝麻合同炒一分獨炒

炒過將椒等篩揀去 加熟地黃四兩白茯苓三兩

甘菊花二兩 共為末蜜丸如梧子大每服五七十丸
空心温酒送下

按此方中年以後每日當服不獨可保目明而却病
廣嗣其功甚大

天麻丸 治小兒肝風眼疳

青黛 黃連 天麻 川芎 蘆薈 五靈脂

夜明沙 炒各一錢 龍膽草 酒拌炒焦 嫩防風 直者

蟬蛻 各錢半 全蝎 麝香 少許 乾蟾頭 二錢

俱為末公猪膽汁浸糕丸如麻子大每服十九薄荷
湯下

按此方疔傷五臟各有現形唯傷肝者木因風動遂
為目患品味週至誠良劑也然余全書內玉龍丹效
甚

濟生桑白皮散 治肺氣壅塞毒氣上攻眼目白睛腫

脹日夜疼痛

元參 桑白皮 枳壳 炒 杏仁 炒 旋復花 防風

京芍 黃芩 甘菊 甘草 甜葶藶 炒 柴胡 炒

右各一兩為細末滾水調一錢飯後服

按此方治風熱之劑凡外障睛珠腫脹疼痛宜服

蜜蒙花散 治風毒攻目昏暗眵淚并暴赤腫



羌活 白蒺藜炒 木賊 蜜蒙花 石決明煨各二兩

甘菊家園者二兩

右為末每服二錢茶清食後調下

按此方治風毒凡醫障眼宜服

蟬花散 治肝經蘊熱毒氣上攻眼目赤腫多淚羞明

一切風熱昏翳

穀精草一錢 甘菊六分 蟬退五分 羌活五分 甘草三分 蒺藜炒一錢

草決明一錢 防風七分 山梔炒七分 川芎三分 蒙花七分 木賊五分

荆芥穗三分 黃芩五分 蔓荆子炒五分

右為末每服二錢食後茶清調下

按蟬花散治外障蘊熱等症固宜但症有不同或新起久患或氣血虛實量人加減詳在全書

洗心散 治風壅壯熱頭目昏痛熱氣上衝口苦唇焦

咽喉腫痛心神煩躁多渴五心煩熱小便赤澀大便

祕滯

大黃煨 甘草 當歸 芍藥 麻黃 荆芥

各六錢 白朮五錢

右為末每服二三錢生薑薄荷煎服

洗肝散 治風毒上攻暴作赤日腫痛難開眵淚

薄荷 當歸 羌活 防風 山梔 甘草



CL.

NO. 35670

大黃酒洗川芎

右各二兩爲末每服二錢食後滾水調下

按前二方人多用之故存備參考或問曰洗心洗肝
二散治目何如荅曰方以洗名其剋伐可知蓋爲體
壯氣實者感冒風寒外來腠理內火不得消散實熱
上炎奔入眼竅暴赤疼痛大便滯澀姑以此暫用解
散否則不敢濫試也人體不同又烏可執泥乎



国立国会図書館 タイトル『藝海珠塵』 請求記号 082.1-G21G

ガラス使用